



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

§. I. De Festorum observatione, cum Quæstionibus singularibus.

urn:nbn:de:hbz:466:1-40873

C A P U T III.

De tertio Precepto, Memento ut diem Sabbathi
sanctifices.

S. I.

De Festorum observatione.

1. Observatio Festi incipit a medio noctis usque ad medium noctis sequentis. Violatur Sanctitas Dici festi exercendo opera servilia, hoc est, quæ versantur circa materiam externam, & pro Mechanicis haberi solent, ut fabricare, aut stire, aut similia, quæ requirunt laborem corporis, qualis ab operariis exerceri solet.

2. Illicitum non est diebus festis instrumenta musica pulsare, iter facere pedibus, equo, vel curru: quia haec non sunt servilia. Imò licita sunt reliqua ad res ejusmodi necessaria, v.g. currum fractum die festo reparare ad iter istius diei. *Navar. Tol. Suat.*

3. Licet etiam diebus festis docere, scribere, etiam accepto pretio aliquid non multum operarum transcribere. Imò licitum esse pingere docet *Medina*, *Lopez*, *Armillla*, & probabile putat *Layman*: de rudibus vero lineamentis die festo formandis id plerique concedunt.

4. Servile non videtur ad vitandum otium venari, aucupari, piscari, saltem in fluminibus recreationis causâ, ita censent *Gran.* *Laym.* *Bonac.* Idem de puellis ad otium vitandum non opero-

456 Pars 3. tract. 5. cap. 3. De tertio praecepto.
operosè acu pingentibus, cum Diana p. 6. cap. 5.
r. 25. docet Azor. Arm. Sa.

5. Non licet emere aut vendere res non necessarias, negotiari publicè vel privatim, inire contractus emptionis, permutationis, locationis: nisi ex consuetudine, vel aliis iustis de causis excusentur: quia ista intelliguntur nomine mercatus, qui prohibitus est, Cap. 1. de feriis, ut docet Suar. Bonac. Filiucius.

6. Quæritur hic, quæ causæ excusent ab observatione festorum?

Respondeo, 1. Dispensatio Episcopi, vel potestatem Episcopalem habentis, vel saltem quasi Episcopalem, uti habent Superiores Religiosorum, imò & Parochi quando non datur facilis accessus ad loci Ordinarium.

2. Loci consuetudo: hinc licitæ sunt Nundinæ in festis passim haberi solitæ, & præparationes ciborum etiam non necessiariorum, ut placentarum, & similium. Licitæ etiam quibusdam locis sunt emptiones & venditiones rerum, quæ parvo pretio emuntur. Laym. Bonac. aliquie.

3. Necesitas propria vel aliena, corporis vel animi: quando nimirum sine gravi incommodo aliquid omitti non potest. Sic excusantur servi & ancillæ coacti à Dominis laborare, nec audentes recusare: si tamen id sæpè contingat, eos deserere debent. Item Pistores, Laniones, Coci, Sartores in operibus necessariis, ut in funeribus, nuptiis &c. si aliter fieri non potest ut satisfaciant. Item Agricolæ, si ob imminentem pluviam fœnum, vel segetes colligere debeant.

Denique excusat parvitas operis, vel temporis, undè grave non videtur unâ horâ labrare,

Pars 3. tract. 5. cap. 3. De tertio præcepto. 457
tare, ita Suares, maximè, ut notat Layman, si
labor non sit servilis nimium, qui brevi etiam
tempore corpus fatigat.

7. Peccat qui post usum rationis die Festo
non audit Missam, peccat quidem venialiter,
si pars parva sponte omittatur: mortaliter ve-
rò, si pars sit notabilis, v. g. media, vel ter-
tia pars Missæ. Layman tamen & alii quidam
non audent mortalis damnare eum, qui tantùm
ab Offertorio usque ad finem adfuisse.

8. Qui à duobus Sacerdotibus successivè duas
Missas audit tantùm dimidiás, peccat ad mini-
mum venialiter: certè in eo peccatum admittit
Navar. Sa, Sotus, Henrig. Diana. Quia talis non
audit integrum Missam, sicuti præscripta est ab
Ecclesia, & sicuti communiter à fidelibus in-
telligitur, cùm illæ potius sint partes diversa-
rum Missarum, non constituentes unam in ra-
tione Sacrificii vel actionis sacræ.

9. Multò minùs satisfaciat, qui duas partes
Missæ simul à duobus Celebrantibus audit. Nam
hic præterea valde irreverenter tractat Sacrifi-
cium adeò tremendum, dum tempus pro eo
ricè peragendo necessarium aut consuetum, non
vult impendere etiam ipso die, quem totum
Deo consecrare tenet.

10. Non satisfacit etiam, qui sub Sacro dor-
mit, pingit, docet; vel qui post murum, aut
tali loco est, undè nihil audiri, videri, vel no-
tari possit quod in Missa fiat.

11. Satisfacit tamen surdus, cœcus, & qui
post ostium, aut columnam, vel in fenestra,
vel extra eam ita est præsens, ut ex signis ex-
ternis colligere possit, quid à celebrante aga-
tur, spectatâ loci naturâ; et si ipse per acci-
dens nullam Sacerdotis actionem videat vel au-

Tom. II.

V

diat

458 Pars 2. tract. 5. cap. 3. De tertio p: accepto.
diat, modò per moralem conjunctionem sit
pars ejus multitudinis, quæ Missæ præsens dicitur: ita Bonac. aliquæ.

Quæres, An qui tempore Præfationis accessit ad Sacrum audiendum, quod unicum eo die celebratur, teneatur audire saltem aliam partem sequentem? Negat Ledesma in summa p. 1. cap. 27. concil. 5. Joannes Sanchez, &c. apud Diannam in misel. resol. 60. Quia, inquiunt, per reliquam partem istius Missæ non potest implere præceptum, quod requirit Missam sufficienter integrum.

Sed verius affirmat Moya part. postrema select. quæstionum, citans suarem, Et Sanchez. Quod solidè probat: quia à consecratione usque ad communionem inclusivè continetur essentia Sacrificii, cui reliquæ partes sunt tantum accessoriæ, & integrantes: cum ergo principale non sequatur accessorium, sed contra, planè deducitur illum teneri audire istius Missæ partem reliquam, quæ est omnino principalis.

12. Qui ex impotentia saltem morali impeditur exire, aut magnâ difficultate, aut ex notabili incommodo proprio, vel proximi, vel bonorum, vel honoris; non tenetur curare celebrari privatim in Altari portatili cum privilegio, aut preces interim alias loço Missæ recitare, quamvis id consultum sit. Quia non est mens Ecclesiæ præcipientis instar discretæ & benevolæ matris aliæ impeditum ad ista obligare: ita Bonac. Navar. Fill. Suar.

Hinc excusantur illi, quibus si exeant ad Missam audiendam periculum est gravis offendit mariti, parentum, vel dominorum. *Henr. Suar. Fillius.* Si tamen id ferè semper aut frena-

Pars 3. tract. 5. cap. 3. De tertio precepto. 459
quenter fieret, de alio medio laborandum
esset.

13. Item, quibus gravis est difficultas eundi
ad Ecclesiam, ob distantiam, v. g. unius vel
alterius milliaris Germanici, vel etiam mino-
ris spatii, maximè, si via sit molesta, cælum
pluvium &c. ubi habenda est ratio persona-
rum, sexus, loci, temporis, & consuetudinis.
Bonacina, Suar. Fill. Marchant &c.

14. Denique si ex consuetudine fæminæ e-
gredi non soleant tempore luctus, vel etiam
post partum, excusantur, *Sylv. Cajet.* Aut si
quis non habeat vestes statui suo convenientes.
Navar. Henr. Sa. Azor. Bonac.

15. Excusantur à Missa audienda infirmi,
quando prudenter timent, si Ecclesiam adeant,
aliquid damnum considerabile in valetudine,
aut moram in convalescentia. Ita omnes do-
cere tradit Leander de auditione Missæ *tract. 2.*
disp. 2. q. 13. citans Cajetanum, Nayarrum, So-
tum, Suarez, Bonacinam, Henriquez, Hur-
tadum, Toletum & plures alios. Excusantur
etiam convalescentes, quando timent quod
exeundo domo ad Missam incurrent periculum
majoris morbi, ut supra citati. Quando verò
de hoc dubitant, consulendus, vel Pastor, vel
Medicus, vel Superior, vel alius vir prudens,
nisi ipsem talis sit, ut in hoc ferre etiam judi-
cium possit. Manente autem dubio, rectè pos-
se, illo practicè deposito, non exire domo ad
Missam ne se exponat periculo majoris morbi,
docet ibidem Leander cum Bonacina, Trul-
lenck, Dicastillo, Gesualdo, ibi etiam citatis.

Alia de sacrificio Missæ diximus supra p. 3. tr.
4. cap. 4. §. 5. &c.

Quæres 1. Quid si inter hereticos mulcta pe-

V 2 cuniaria

460 Pars 3. tract. 5. cap. 3. De tertio precepto
cuniaria imponatur Catholicis in Sacrificio Mis-
sæ deprehensis , ut sæpius factum in Anglia ,
Hibernia &c.

Respondeo illam non excusare , nisi aliquis
ad eò sit pauper , ut mulcta illa sit personæ aut
familiae valde graviter nocitura.

Quæres 2. An in diebus festis Ecclesiæ liceat
Catholico inter hæreticos eorum more offici-
nam suam aperire , & merces vendere ?

Respondeo affirmativè , si hoc tantum faciat
ad damna evitanda , & servandam uniformita-
tem cum aliis civibus . Quia non est mens Ec-
clesiæ fidèles suos ad claudendum obligare cum
tanto incommodo & perturbatione , quæ possit
indè frequenter oriri . Si tamen alicubi confue-
tudo obtinueret , ut maxima pars Catholicorum
officinas clauderet , tenerentur alii se illis
conformare . Ita etiam resolvit *Lessius in Op.*
posthumo v. Festa , casu 8.

Quæres 3. An idem dicendum sit de clau-
dendis officinis Catholicorum quibusdam die-
bus , quæ apud hæreticos publicæ orationi de-
dicantur ?

Respondeo , Etiam Catholicos illis diebus pos-
se officinas claudere more hæreticorum , quod
etiam admittit *Lessius suprà* . Quia hoc non est
signum professionis falsæ religionis , aut cō-
operatio aliqua cum ritu hæretico , sed est tan-
tum signum obedientiæ & conformitatis politi-
cæ per actionem ex se indifferentem .

Quæres 4. An si Herus quispiam habens tres
servos , injungat eis laborem in die festo , asig-
nando singulis unicas horam successivè , peccet
mortaliter .

Fateor difficile esse ex vi hujus præcepti de o-
pere servili ostendere , ex quâ ratione ille mor-
taliter

taliter peccet. Primò, non ex eo quod opus servile exerceat, nam supponitur ipse ab ope- re totus vacare. 2. Non ex eo quod adhibeat alios quorum singuli laborando venialiter pec- cant: quia inde tantum sequitur illum tot pec- catorum venialium causam esse: præbere au- tem causam pluribus venialibus jussu, consilio, aut consensu, non solet mortale reputari. 3. Nec quia illa opera servilia à tribus exercita di- ci possint inter se cōalescere; cum sint opera diversarum personarum habentium distinctas obligationes personales, & à se mutuo inde- pendentes in ordine ad præcepti observatio- nem. 4. Neque ex eo quod ipsis laborantibus, censeatur ille qui conduxit serviliter laborare, qui potuit toto die in templo rebus facris vacas- se. Sic qui aliis author est ut singuli violent je- junium leviter per modicas comediones succe- sivas, quæ ab uno sumptæ constituerent mate- riālē gravem, ille quidem peccat, pro qualit- ate mali quod procuravit, contra charitatem proximi, nemo tamen dixerit illum frangere legem jejunii ecclesiastici. Negat proinde in casu proposito talem herum peccare mortaliter, Bonacina disp. 5. punct. 3. num. 4. & disp. 2. de peccatis, q. 3. punto 5. Oviedus, Trullench, Sanchez, Diana, nec non Pasqualigus decis. 301. quos & sequitur Leander à SS. Sacramento de præc. Eccles. tr. 1. disp. 6. quest. 9. quorum opinio, ut patet, meritò probabilis censemur.

Respondeo tamen, potius in praxi dicendum esse, talem herum graviter peccare. Quia pra- xis illa obnoxia esset gravibus incommodis, & sèpè scandalo non levi, si in populo, lucri sem- per avido, illa invalesceret. Deinde, id quod quis efficaciter mandat, aut suadet fieri per

462 Pars 3. tract 5. cap. 3. De tertio præcepto.
alium , hoc ipsum plerumque censetur ipse fa-
cere in morali æstimatione, cum sine illius man-
dato aut consilio res non ageretur : hic autem
herus moraliter applicat singulorum manus
tanquam suum instrumentum ad totam conti-
nuationem illius operis. Et Superior prohibens
actionem successivam , non tam illius modum,
quam substantiam durationis continuatæ spe-
ctare solet : & in hoc præcepto peculiare est ,
quod signanter cadat supra *diem festum* , quod
indicat ipsum *tempus* in opere continuatum. Vi-
detur denique praxis illa tendere in fraudem le-
gis de observatione festorum , quæ tali artifi-
cio facile eludi & enervari posset : atque ita in-
ducere inter fideles gravem deordinationem ,
quæ inde facile sequeretur , si ea praxis pro le-
vi noxa haberetur : nam quædam actiones ex
hoc solo capite gravis consequentæ , & peri-
culi , non raro gravem malitiam contrahere
censentur : rationes aliae magis patecent ex
brevi responsione ad sequentia.

Dices igitur primò , isti servi non peccant
nisi venialiter , ergo neque herus aliter pecca-
bit. Respondeo , herum posse peccare , ex
dictis , etiamsi illi quorum ministerio utitur ,
nullo modo peccent , v.g. si utatur operâ ser-
vorum infidelium præcepto Ecclesiæ non obli-
gatorum ; vel etiam fidelium sed inculpatè non
reflectentium ad diem festum. Sed & concessio
antecedente , negatur sequela. Disparitas est ,
quod singuli famulorum tantum parvo tempo-
re laborent , neque unus cooperetur (quemad-
modum suppono) labori alterius : Dominus au-
tem injungendo cuivis opus unius horæ , causa
est universi operis , cedentis in notabilem pro-
phanationem Dici festi.

Dices

Pars 3. tract. 5. cap. 3. De tertio precepto. 463

Dices secundò, labor ille successius & divisus, moraliter non est unus, ergo mandans non peccat mortaliter, sicuti non peccat qui fieri jubet plura mendacia.

Respondeo negando assumptum: nam labor iste fit per plures servos eodem modo, quo fieri per unum, & quidem de mandato ejusdem heri. Ad illationem dico, disparitatem esse: quod peccata venialia non coalescant, eò quod per ea secundum se non inferatur grave nocummentum proximo, neque gravis injuria Deo; Sanctitas autem Diei festi plurimum violatur per opus servile pro notabili tempore, ut supra ostensum.

Dices tertiod, herus non peccaret mortaliter, si famulos juberet laborare simul per unam horam: ergo neque peccabit graviter, si eos jubar laborare successivè singulos per unam horam.

Respondeo negando sequelam: Disparitas est, quod in antecedente non laboretur notabilis tempore, adeoque non graviter violetur Sanctitas Diei festi, prout sit in consequente: nam spatum trium horarum notabile est respectu unius Dici.

Dices quartò, in hoc casu nec herus, nec famuli propterea multum retrahuntur à debito cultu Creatori tuim exhibendo: neque enim per totum diem operibus cælestibus vacare quis tenetur: ergo &c.

Respondeo, negando sequelam. Et ratio est, quia cùm Deus certis diebus velit à nobis specialiter coli, prohibet consequenter ipse & Ecclesia omne opus servile non necessarium pro eisdem diebus, quò nempe expeditiores eatenus sumus ad cultum illum debitè præstandum:

404 Pars 3. tract. 5. cap. 3. De terro præcepto.
quini mò ex objectione illa sequeretur, herum
non graviter peccaturum et si ipse per tres ho-
ras consequenter laboraret, si tempus reliquum
diei festi totum in templo rebus divinis impen-
deret, quod nemo admittet.

Huic resolutioni à fortiori favet noster Tole-
rus lib. 4. summæ cap. 25. n. 2. & Fagundez de
præc. Eccles. citans etiam nostrum Azorium
tom. 2. lib. 1. cap. 28. q. 5. qui docent à mortali
non excusari qui pluribus diebus festis pro mo-
dico tempore in singulis laboraret, quod nimis
rigidum existimo, uti & cum aliis Bassus, &
Leander supra citatus, qui etiam liberalius do-
cent excusandum à mortali qui eodem die festo
duas integras horas labori impéndere, ubi &
hic nostrum Palaum ait non sine temeritate asse-
rere nullum Doctorem classicum id docere: hos
pluresque, etiam in aliis, adire si cui placeat, in
his quam in istis multò plus Benignitatis inve-
niet.

§. 2. *De Iejunio Ecclesiastico.*

1. **J**ejunium Ecclesiasticum quoad substan-
tiam consistit in unica per diem comedio-
ne, cum abstinentia à carnibus, ovis, &
lacticiniis. Præceptum jejuniū non tantum à Deo
latum, sed etiam ab Ecclesia impositum, ob-
ligare sub gravi peccato satis patet ex eo, quod
Ecclesia tanquam Christi vicaria debeat habere
potestatem ferendi leges ad fidelium directio-
nem, quā jam inde à temporibus Apostolorum
in certis jejunii ac festis sub gravi obligatione
indicendis semper usū fuit.

2. Ad substantiam jejuniū non videtur spe-
ciare certa hora diurnæ refectionis, quæ est
circa